

Allannguutissatut siunnersuut**uunga**

Uunga siunnersuut: Piginneqatigiilluni inissiat pillugit Inatsisartut inatsisaata allanngortinnissaa pillugu Inatsisartut inatsisaat (Inissiat attartortittakkat allanngortinnerat, kaaviiartitsinissamut inerteqqut il.il)

Naalakkersuisunit aappassaanneerneqarnissaanut saqqummiunneqartoq:

§ 1-imut

1. § 1, nr. 7-imi § 45f, imm. 2 imatut oqaasertalerneqarpoq:

”*Imm. 2. Pisortat taarsigassarsiarititaanni imm. 1 naapertorlugu taarsigassarsiaritinneqartuni, taarsigassarsianut tigusinerup nalaani aserfallatsaaliusoqarsimanninnerata uppernarsarneqartup iluarseqqinnissaanut aningaasalersornissaanullu piginneqatigiilluni inissiaatillit peqatigiiffiannit taarsigassarsiarineqartunut tunngatillugu, akilersorneqartussat tulleriinnilorsorneranni nikisitsinissaq uppernarsaaserneqassasoq, Naalakkersuisut imaluunniit kommunalbestyrelsip akuerisinnaavaat, takuuk § 45c.*”

Allannguutissatut siunnersuummut nassuaatit**Nassuaatit nalinginnaasut**

Allannguutissatut siunnersuummi § 45f, imm. 2-p atuuffissai aammalu piginneqatigiilluni inissiat pillugit Inatsisartut inatsisaanni § 60 imm. 2-mut ataqtigiissinneqarnera erseqqissarneqarpoq.

Allannguutissatut siunnersuummi aalajangersakkanut ataasiakkaanut nassuaatit**Nr. 1-imut**

Piginneqatigiilluni inissiaatillit peqatigiiffiata kapitali 4a malillugu inissianik attartortittakkanik allanngortinneqartunik pisinerani, inissiat attartortittakkat allanngortinneqartut arlallit aserfallatsaaliinermi kinguaattooqgasussaapput. Tunngavissaatinneqarpoq piginneqatigiilluni inissiaatillit peqatigiiffiata inissianik attartortittakkanik allanngortinneqartunik pisinermut ilaatillugu aserfallatsaaliinermi

kinguaattoorutit, tiguneqarnerisa nalaanni uppernarsarneqartut, iluarseqqinnissaat aningaasalorsornissaallu isumagisussaassagaa.

Taamaattumik siunnersuutigineqarpooq pisortat taarsigassarsiarititaat, inissianik attartortittakkanik piginneqatigiilluni inissiaatillit peqatigiiffiata pisineranut ilaatillugu taarsigassarsiaritinneqartut, taarsigassarsianut aserfallatsaaliuinermi kinguaattoorutit, tigusinerup nalaani uppernarsarneqartut, iluarseqqinnissaannut aningaasalorsornissaannullu taarsigassarsiarineqartunut tunngatillugu, akilersorneqarnissaat nikisinneqarsinnaassasoq. Taarsigassarsiat inissiat attartortittakkat allanngortinneqartut tigunerannut peqatigitillugu taarsigassarsiarineqarsimanissaat piumasaqaataanngilaq.

Piginneqatigiillutik inissiaatillit peqatigiiffiat, kapitali 4a malillugu inissianik attartortittakkanik allanngortinneqartunik pisisoq, piginneqatigiillutik inissiaatillit peqatigiiffii tamaasa allat assigalugit piginneqatigiilluni inissiaatilinnut inatsimmi § 60, imm. 2-mi pineqartunut ilaasussaavoq. § 60, imm. 2-mi tunngaviusoq nalinginnaasoq aalajangersarneqarpooq, tassalu piginneqatigiillutik inissiaatillit peqatigiiffiannut pisortat taarsigassarsiarititaasa, piginneqatigiillutik inissiaatillit peqatigiiffiannut taarsigassarsianut, pilersaarutaasumik piffissakkaartumik aserfallatsaaliuinissap aningaasalorsornissaanut piginneqatigiillutik inissiaatillit peqatigiiffiani ileqqaagaqannginnerup pisariaqalersissimasaanut tunngatillugu, akilersorneqarnissaat nikisinneqassanngitsoq.

Tunngaviusoq nalinginnaasoq taanna, taarsigassarsianut kapitali 4a malillugu inissianik attartortittakkanik allanngortinneqartunik pisinerup aningaasalorsornissaanut piginneqatigiilluni inissianut taarsigassarsiaritinneqartunut, aamma atuuttussaavoq. Piginneqatigiillutik inissiaatillit peqatigiiffii tamarmik pilersaarutaasumik piffissakkaartumik aserfallatsaaliuinissamut pilersaarummik suliaqartussaapput, tamatumunngalu inissiamut akitsutikkoortumik akiliutissamik akilersitsisartussaallutik, takuuq piginneqatigiilluni inissianut inatsimmi § 57, imm. 5. Piginneqatigiillutik inissiaatillit peqatigiiffiannut, piginneqatigiilluni inissiat pillugit Inatsisartut inatsisaanni kapitali 4a malillugu inissianik attartortittakkanik allanngortinneqartunik pisimasunut, tamanna aamma atuuppoq.

§ 45f, imm. 2-mut siunnersuutip atuutilernerani piginneqatigiilluni inissiat pillugit Inatsisartut inatsisaanni § 60, imm. 2-mi tunngaviusumi nalinginnaasumi tassani ilaatisinnginnejatuutuutilertussaavoq. Ilaatisinnginnermut pissutaavoq, piginneqatigiillutik inissiaatillit peqatigiiffiata aserfallatsaaliuinermut kinguaattoorutinik pioereersunik tigesisussaanera aammalu piginneqatigiillutik inissiaatillit peqatigiiffiata aserfallatsaaliuinermut kinguaattoorutit iluarseqqinnissaannut aningaasalorsornissaannullu ileqqaarnissamut periarfissaqarsimannginnera.

Piginneqatigiillutik inissiaatillit peqatigiiffiat aserfallatsaaliuinermut kinguaattoorutit sukkasuumik iluarseqqinnissaannut taarsigassarsinissamut periarfissaqassaaq, taamaalillunilu

asernallatsaaliuinermut kinguaattoorutit malitsigisaannik aningaaasartuuteqarfiusariaqartunik illut ajoqusemisaat pakkersimaarsinnaassallugit.